




ՀԱՂՈՐԴԱԳՐՈՒԹՅՈՒՆ

Նորին Սրբություն Մոսկվայի և համայն Ռուսիո Ս. Պիմեն Պատրիարքի եղբայրական հրավերով հուլիսի 16-ից 22-ը Մոսկվայում և ապա 23-ից 25-ը Կիևում էր գտնվում Ամենայն Հայոց կաթողիկոս Ս. Ս. Վազգեն Ա-ը՝ մասնակցելու և Սերգեյ Ռադոնեժսկու տոնակատարությանը:

Նորին Սրբություն Ս. Պիմեն Պատրիարքը անձնապես հրավիրել էր նաև Երուսաղեմի հայոց պատրիարք ամենապատիվ տ. Եղիշե արքեպիսկոպոսին:

Հայ եկեղեցու պատվիրակության կազմում էին նաև Արարատյան հայրապետական թեմի փոխառնորդ տ. Կոմիտաս արքեպ. Տեր-Ստեփանյանը, Հարավային Ամերիկայի հայրապետական պատվիրակ և Արգենտինայի հայոց առաջնորդ տ. Բաբգեն արքեպ. Ապատյանը, Հյուսիսային Կովկասի և Մոսկվայի հայոց առաջնորդ տ. Պարզև եպս. Գևորգյանը, Միացյալ Նահանգաց արևմտյան թեմի առաջնորդ տ. Վաչե եպս. Հովսեփյանը և Երուսաղեմի հայոց պատրիարքարանի դիվանապետ տ. Ծաֆե արքեպ. Աճեմյանը:

Հուլիսի 16-ին Մոսկվայի Դոմոդեդովոյի օդանավակայանում Ամենայն Հայոց Վեհափառ Հայրապետին և հայ եկեղեցու բարձրաստիճան հյուրերին դիմավորում է Նորին Սրբություն Ս. Պիմեն Պատրիարքը՝ ընկերակցությամբ Մոսկվայի ռուսաց պատրիարքարանի արտաքին հարաբերությունների բաժնի նախագահ տ. Յուլենալի միտրոպոլիտի, Էստոնիայի և Տալլինի միտրոպոլիտ Ալեքսիի, միտրոպոլիտ Սերգեյի և բարձրաստիճան այլ հոգևորականների:

Հայ եկեղեցու պատվիրակությանն օդանավակայանում դիմավորում է նաև ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ Պ. Վ. Մակարցևը:

Հուլիսի 17-ին, չորեքշաբթի օրը, հայ եկեղեցու պատվիրակությունը ժամանում է ռուսական Ջագորսկ վանք: Ժամը 15-ին երկու Հովվապետներն իրենց ջրախմբերով ներկա են լինում և Երրորդություն տաճարում երեկոյան հսկման ժամերգությանը և Սերգեյի անյունների առաջ:

Հուլիսի 18-ին, հինգշաբթի օրը, և Համբարձման տաճարում հայ եկեղեցու պատվիրակությունը ներկա է լինում հանդիսավոր և պատարագին, որը մատուցում են Ս. Պիմեն և Ալեքսանդրիայի հունաց Ս. Նիկոլա Ջ Արքեպսկոս Պատրիարքները:

Հավարտ պատարագի ռուսաց և հայոց եկեղեցիների Հովվապետները հանդես են գալիս եղբայրական փոխադարձ սիրո և հարգանքի խոսքերով:

Ս. պատարագից հետո Զագորսկի Վեհարանի սրահում, ի պատիվ հայ եկեղեցու պատվիրակության, տրվում է հանդիսավոր ընդունելություն, որին ներկա է լինում նաև ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ Պ. Վ. Մակարցևը:

Ընդունելության ժամանակ ջերմ ողերձներով հանդես են գալիս Ս. Պիմեն սրբազան Պատրիարքը և տ. Եղիշե սրբազան պատրիարքը:

Հուլիսի 19-ին, ուրբաթ օրը, առավոտյան ժամը 10-ին, Ամենայն Հայոց Ս. Ս. Վազգեն Ա կաթողիկոսը, տ. Կոմիտաս արքեպիսկոպոսի ողեկցությամբ, Մոսկվայում այցելություն է տալիս ՍՍՀՄ Մինիստրների սովետին առընթեր կրոնական գործերի խորհրդի նախագահ պրն. Վ. Կուրոյեդովին:

Նույն օրը, ժամը 17-ին, Ա. Կուրոյեդովին քաղաքավարական այց է տալիս նաև Երուսաղեմի հայոց տ. Եղիշե պատրիարքը՝ ընկերակցությամբ տ. Ծախե արքեպ. Աճեմյանի:

Ժամը 15-ին Վեհափառ Հայրապետը և Երուսաղեմի հայոց պատրիարքը իրենց շքախմբերով այցելում են Մոսկվայում Հայաստանի կառավարության ներկայացուցիչ պրն. Սուրեն Մելքունյանին:

Հուլիսի 20-ին, շաբաթ օրը, առավոտյան ժամը 10-ին, հայ եկեղեցու պատվիրակությունն այցելում է Ռուբլյովի անվան և Տրետյակովյան պատկերասրահները:

Երեկոյան ժամը 18-ին Հայոց Հայրապետի գլխավորությամբ հայ եկեղեցու պատվիրակությունը ներկա է լինում Մոսկվայի ս. Հարություն տաճարում՝ Կազանի ս. Աստվածածին ճշմարտոր սրբանկարի տոնին նվիրված Հսկումին: Սրբազան արարողության ժամանակ Երուսաղեմի հայոց տ. Եղիշե սրբազան պատրիարքը ռուս հավատացյալ ներկա ժողովրդին է քերում օրհնություն Երուսաղեմից և Փրկչի լույս գերեզմանից՝ բարեմաղթելով, որ միշտ անասան մնան հայ և ռուս եկեղեցիների և ժողովուրդների դարավոր եղբայրակցությունը Քրիստոսի Ավետարանի փառքի և աշխարհում քրիստոնավանդ խաղաղության հաղթանակի համար:

Հուլիսի 21-ին, կիրակի օրը, առավոտյան ժամը 10-ին, Մոսկվայի Եղիսովսկյան պատրիարքական տաճարում մատուցվում է հանդիսավոր ս. պատարագ՝ ներկայությամբ նաև հայ եկեղեցու պատվիրակության: Ս. պատարագի ավարտին Ս. Պիմեն Պատրիարքը և Ամենայն Հայոց Ս. Ս. Վազգեն Ա կաթողիկոսը հանդես են գալիս ողջույնի եղբայրական ողերձներով:

Ժամը 15-ին ռուսաց սրբազան Պատրիարքի կողմից, ի պատիվ Ամենայն Հայոց Հայրապետի և հայ բարձրաստիճան հոգևորականության, տրվում է ողջերթի ընդունելություն: Ողջերթի ճաշկերույթին ներկա է լինում նաև ՍՍՀՄ Մինիստրների սովետին առընթեր կրոնական գործերի խորհրդի նախագահ Ա. Կուրոյեդովը և նախագահի տեղակալ Պ. Վ. Մակարցևը: Ծաշկերույթի ընթացքում ճառեր են արտասանում Ս. Պիմեն սրբազան Պատրիարքը, Ս. Ս. Վազգեն Ա Ամենայն Հայոց կաթողիկոսը, տ. Եղիշե սրբազան պատրիարքը և Կալիֆորնիայի հայոց թեմի առաջնորդ տ. Վաչե եպս. Հովսեփյանը:

Ողջերթի սեղանին հայ եկեղեցու բարձրաստիճան հոգևորականներին ողջունում և բարի ճանապարհ է մաղթում նաև ՍՍՀՄ Մինիստրների սովետին առընթեր կրոնական գործերի խորհրդի նախագահ Վ. Կուրոյեդովը:

Հուլիսի 22-ին, երկուշաբթի օրը, հայ եկեղեցու պատվիրակությունը ժամանում է Կիև:

Մոսկվայի Վնուկովոյի օդանավակայանում Հայոց Հայրապետին, Երու-

սաղեմի հայոց պատրիարքին և հայ բարձրաստիճան հոգևորականությանը ճանապարհում է, որպես իր թանկագին հյուրերի, Ս. Պիմեն սրբազան Պատրիարքը՝ շրջապատված ոռու բարձրաստիճան հոգևորականներով:

Հայ եկեղեցու պատվիրակությանը ճանապարհում է նաև ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ Պ. Վ. Մակարցևը:

Կիևի օթանավակայանում Հայոց Հայրապետին և Նրան ողեկցող բարձրաստիճան հյուրերին ողջունում և բարի գալուստ է մաղթում Ուկրաինայի Էկզարխ Ֆիլարետ միտրոպոլիտը՝ իր բարձրաստիճան հոգևորականներով:

Հայ եկեղեցու պատվիրակությանը ողջունում է նաև Ուկրաինական ՍՍՀ Մինիստրների սովետին առընթեր կրոնական գործերի խորհրդի նախագահի տեղակալ Պիլիպենկոն:

Հուլիսի 28-ին, երեքշաբթի օրը, հայ եկեղեցու պատվիրակությունն այցելում է Կիևի նշանավոր և Սոֆիա տաճար և Պեշչերյան ու Պոկրովսկի կուսանոց-վանքերը: Նույն օրը Ամենայն Հայոց Հայրապետը և Երուսաղեմի հայոց պատրիարքը, շքախմբի անդամներով, Կիևի «Փառք» այգում ծաղկեպսակ են դնում սովետական Անհայտ զինվորի հուշարձանին:

Հուլիսի 24-ին, չորեքշաբթի օրը, առավոտյան ժամը 10-ին, և Օլգայի լողնի աղթով, և Վլադիմիր տաճարում մատուցվում է և պատարագ՝ ներկայությամբ հայ եկեղեցու պատվիրակության, տ. Ֆիլարետ միտրոպոլիտը և Ս. Ս. Վազգեն Ա կաթողիկոսը ողջույնի ճառեր են փոխանակում:

Ժամը 15-ին, ի պատիվ Հայոց Հայրապետի, տ. Եղիշե պատրիարքի և հայ եկեղեցու պատվիրակության, ողջերթի ընդունելություն է կազմակերպվում, ուր ճառեր են փոխանակում Ֆիլարետ միտրոպոլիտը, Ս. Ս. Վազգեն Ա-ը և տ. Եղիշե պատրիարքը: Ողջույնի խոսքով հանդես է գալիս նաև Ուկրաինական ՍՍՀ Մինիստրների սովետին առընթեր կրոնական գործերի խորհրդի նախագահի տեղակալ Պիլիպենկոն:

Հուլիսի 25-ին, հինգշաբթի օրը, Հայոց Հայրապետը, տ. Եղիշե սրբազան պատրիարքը և հայ եկեղեցու պատվիրակությունը հրաժեշտ են առնում Կիևից և վերադառնում Մայր Աթոռ:

Ամենայն Հայոց կաթողիկոս Ս. Ս. Վազգեն Ա-ի, Երուսաղեմի հայոց պատրիարք տ. Եղիշե արքեպիսկոպոսի և հայ եկեղեցու բարձրաստիճան հոգևորականության այցելությունը Մոսկվա և Կիև հանդիսացավ երկու քույր եկեղեցիների և եղբայրական ժողովուրդների միջև գոյություն ունեցող դարավոր բարեկամության վառ արտահայտությունը, որը շարունակվում է նաև այսօր Էկումենիկ ոգով, և որի զարգացման ու ամրապնդման համար աշխատում են երկու Հովվապետները:

Երկու Հայրապետների հանդիպումը մի անգամ ևս եկավ հաստատելու, որ եկեղեցիների կոչումն է՝ հանգցնել գոյություն ունեցող պատերազմի օջախները, պահպանել աշխարհի խաղաղությունը և ամրապնդել եղբայրությունը և բարեկամությունը ժողովուրդների միջև:

ԴԻՎԱՆ ՄԱՅՐ ԱԹՈՐԻ